



INTRODUCZIUN

DA SORA FLORENTINA CAMARTINA

Il text da quei evangeli dat daveras da patertgar! Jesus plaيدا da catastrofas e da tribulaziuns. Tgei eveniments manegia el propi? Forsa la destrucziun totala da Jerusalem e dil tempel entras ils Romans ni schizun la fin dil mund? Propi tgei ch'el ha manegiau cun quels scenaris e cura che quels succedan sa negin. El di gie sez: «Gliez di ni lezz'ura negin ch'enconuscha, ni ils aunghels dil tschiel ni il Fegl, negin auter ch'il Bab persuls.» Era las semeglias dil figher che ha schit e dil patrun che vegliass per buca schar rumper en en sia casa vulan far attents dad esser veglionts e prompts, q.v.d. far mintga mument quei ch'ins sa. Probabel ha quei text era giu il senn da far curascha als emprems cristifideivels en lur tribulaziuns e persecuziuns (quei text ei gie vegnius screts si per da gliez temps). El vul bein era dir da buca crer a profezas che vulan saver cura che la fin dil mund vegni.

EVANGELI

Mt 24,29–44

²⁹Immediat suenter la tribulaziun da lezs dis vegn il sulegl a sestgirentar, la glina vegn a piarder siu clar, las steilas vegnan a curdar da tschiel e las forzas dil tschiel vegnan zaccudidas. ³⁰E lu vegn l'enzenna dil Fegl dil carstgaun a cumparer vid il tschiel; e tuttas naziuns dalla tiara vegnan a pitgar sil pèz; ed ins vegn a veser il Fegl dil carstgaun a vegnend sillas neblas dil tschiel cun pussonza e gronda maiestad. ³¹Ed el vegn a tarmetter ses aunghels cun ferm tun da posaunas per rimnar ses eligi dallas quater varts dil mund, d'ina vart dil tschiel entochen l'otra.

³²Dil figher empredei la semeglia. Cura che sia roma ha schit e sia feglia catscha, saveis vus che la stad ei damaneivel. ³³Aschia era vus: Cura che vus veseis tut quei, saveis vus ch'El ei damaneivel, gest avon porta. ³⁴En ver Paid, jeu ditgel a vus: Questa generaziun vegn buc a svanir, avon che tut quei daventi. ³⁵Tschiel e tiara vegnan a svanir, mo mes plaids svaneschan buc. ³⁶Gliez di ni lezz'ura negin ch'enconuscha, ni ils aunghels dil tschiel ni il Fegl, negin auter ch'il Bab persuls.

³⁷Sco ils dis da Noe, aschia vegn la vegnida dil Fegl dil carstgaun ad esser. ³⁸Il dis avon il diluvi magliav'ins e buev'ins, prendeva dunna e mariu, tochen il di che Noe ei entaus ell'arca, ³⁹ed ins sminava nuot, tochen ch'il diluvi ei vegnius ed ha raffau naven tuts. Aschia vegn era la vegnida dil Fegl dil carstgaun ad esser. ⁴⁰Lu vegnan dus umens ad esser sil funs: In vegn prius naven e l'auter schaus anavos; ⁴¹e duas femnas ch'ei vid il mulin e molan: Ina vegn prida naven e l'otra schada anavos.

⁴²Vegliei pia, pertgei vus saveis buca, tgei di che vies Signur vegn. ⁴³Mo quei saveies: Sch'il patrun-casa savess, da tgei uras ch'il lader vegn la notg, vegliass el e schass buca rumper en sia casa. ⁴⁴Seigies pia era vus preparai, pertgei il Fegl dil carstgaun vegn d'ina ura che vus maina smineis.